

Dóminus super familiam suam. Gloria, et divitiis in domo ejus. Et iustitia ejus manet in sacculum sacculi.

Ad Laudes, Añá.

Ipsé Jesus erat incipiens, quasi annórum triginta, ut putabátur fílius Joseph. Os justí meditabátur sapiéntiam. Et lingua ejus loquétur iudicium.

Orémus.

SANCTISSIMÆ Genitrícis tuæ Sponsi, quæsumus Dómine, méritis adjuvémur: ut quod possibílitás nostra non obtinet, ejus nobis intercessióne donétur.

De SS. Apostolis, totius Ecclesie Patronis.

Ad Vesperas, Añá.

Petrus Apóstolus, et Paulus Doctor géntium, ipsi nos docuerunt legem tuam, Dómine. Constitúes eos Príncipes super omnem terram. Mémores erunt nóminis tui, Dómine.

Ad Laudes, Añá.

Gloriósí Príncipes terræ, quómódo in vita sua dilexerunt se, ita et in morte non sunt separáti. In omnem terram exiit sonus eórum. Et in fines orbis terræ verba eórum.

Orémus.

DEUS, cujus dextera beatum Petrum ambulátem in flúctibus, ne mergerétur, eréxit: et

coapóstolum ejus Paulum tértio naufragátem, de profundo pélagi liberávit: exáudi nos propítius: et concéde, ut ambórum méritis æternitátis glóriam consequámur.

De S. Jacobo Apóstolo Hispani. Patrono.

Quando nóa dicitur ejus Officium.

Ad Vesperas, Añá.

O beátum Apóstolum, qui inter primos electus, primus ómnium Apóstolorum Dómini cálicem bibere méruit! O glóri-sum Hispaniæ regnum, tali pignore, ac Patróno manitum, per quem fecit illi magna qui potens est! Alleluia.

Ad Laudes, Añá.

Visitávit nos per sanctum suum Apóstolum, et fecit salutem de inimicis nostris Dóminus Deus noster. Annuntiavérunt ópera Dei. Et facta ejus intellexérunt.

Orémus.

ESTO Dómine plebi tuæ sanctificátor, et custos: ut beati Jacóbi Apóstoli tui munta præsidis, et conversatióne tibi placeat, et secúra mente desérviat.

De SS. Martyribus Hippolyto et Cassiano, hujus civitatis Mexicane Patronis, quorum in hac civitate tantum sit Commemoratio.

Ad Vesperas, Añá.

Gaudent in cœlis animæ Sanctorum, qui Christi vestigia sunt secuti: et quia pro ejus amore sanguinem suum fuderunt, ideo cum Christo exultant sine fine. Exultábunt Sancti in glória. Lætábuntur in cubilibus suis.

Ad Laudes, Añá.

Vestri capilli capitis omnes numerati sunt: nolite timere: multis passeribus meliôres estis vos. Exultábant Sancti in glória. Lætábuntur in cubilibus suis.

Orémus.

DA, quæsumus, omnipotens Deus: ut beatorum Mártyrum tuorum Hippolyti et Cassiani veneranda commemoratió, et devotiótem nobis áugeat et salutem.

De S. Francisco.

Ad Vesperas, Añá.

Hic vir despiciens mundum et terræa triumphans, divitiis cœlo cōdidit ore, manu. Amávit eum Dóminus, et ornávit eum. Stulam glória induit eum.

Ad Laudes, Añá.

Euge serve bone et fidélis, quia in pauca fuisti fidélis, supra multa te constituum, intra in gáudium Dómini tui. Justum dedit Dóminus per vias rectas. Et ostendit illi regnum Dei.

Orémus.

DEUS qui Ecclesiám tuam beati Patris nostri Francisci méritis novæ prolis amplifícas: tribue nobis ex ejus imitatióne terræna despícere, et cœlestium donórum semper participatióne gaudere.

Quando fit Officium de his Martyribus, variantur Añæ. Nam pro SS. Hippolyto, et Cassiano, in Laud. sumitur Añá ex j. Vesp. et in Vesp. sumitur ex Laud.

De Virgine sancta Rosa a sancta Maria, omnium Indiarum principalliori Patrona.

Ad Vesperas, Añá.

Veni sponsa Christi, accipe coronam, quam tibi Dóminus præparávit in ætérnum.

Ad Laudes, Añá.

Símile est regnum cœlorum hómini negotiátori quærénti bonas margarítas: invénta una pretiósá, dedit ómnia sua, et comparávit eam. Diffúsa est grátia in lábiis tuis. Propterea benedixit te Deus in ætérnum.

Orémus.

DONORUM ómnium largitor omnipotens Deus, qui beatam Rosam, cœlestis grátia rore prævén-tam, virginitátis et patientiæ decóre Indis floréscere voluisti: da nobis famulatis, ut in odórem suavitatis ejus currétes, Christi

bonus odor effici mercamur.

Quando fit Officium saterius Virginis, variantur Añæ. Nam pro sancta Rosa in Laudibus sumitur Añæ ex j. Vesp.

Veni sponsa Christi, etc. In Vesperis sumitur ex Laudibus.

Simile est regnum, etc. Spécie tua, et pulchritudine tua. Inténde, prospere procéde, et regna.

De Pace.

Ad Vesperas et Laudes, Añæ. Da pacem, Dómine, in diébus nostris, quia non est alius, qui pugnet pro nobis, nisi tu Deus noster. Fiat pax in virtúte tua. Et abundantia in túrribus tuis.

Orémus.

Deus, a quo sancta desideria, recta consilia, et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et hóstium sublata formidine, témpora sint tua protectióne tranquilla. Per Dóminum nostrum, etc.

Dóminus vobiscum.

Et cum spiritu tuo. Benedicámus Dómino. Deo grátias. Fidélium anima, per misericórdiam Dei, requiescant in pace.

Omnes beneficiarii in suis beneficiis debent facere Commemorationem. Inter has Consuetas, de Patrono principali loci, vel titulari Ecclesiæ, illi debitum locum assignando; secundum gradum suæ dignitatis.

Oratio.

ACROSANCTÆ, et indivisæ Trinitati, crucifixi Dómini nostri Jesu Christi humanitati, beatissimæ et gloriosissimæ, sempérque Virginis Mariæ fecundæ integritati, et ómnium Sanctorum universitati sit sempiterna laus, honor, virtus, et glória ab omni creatúra, nobisque remissio ómnium peccatorum, per infinita sæcula sæculórum.

Amen.

Beata viscera Mariæ Virginis, que portaverunt æterni Patris Filium. Et beata úbera, que lactaverunt Christum Dóminum.

Pater noster. Ave Maria.

LAUS DEO.

